

VENDIM
Nr. 90, datë 6.10.2014

**MBI MIRATIMIN E TRANSFERIMIT TË AKSIONEVE TË SHOQËRISË OSHEE
SHA (NJOHUR MË PARË SI CEZ SHPËRNDARJE SHA), NGA SHOQËRIA CEZ AS
TE MINISTRIA E ZHVILLIMIT EKONOMIK, TREGTISË DHE SIPËRMARRJES**

Në mbështetje të ligjit nr. 9072, datë 22.5.2003, “Për sektorin e energjisë elektrike”, të ndryshuar, aneksit 2 të ligjit nr. 114/2014, datë 31.7.2014 “Për miratimin e marrëveshjes për zgjidhjen me mirëkuptim ndërmjet Republikës së Shqipërisë dhe shoqërisë CEZ a.s”, pas shkresës nr. 4189/4, datë 15.9.2014 të Ministrisë së Energjisë dhe Industrisë, Bordi i Komisionerëve të ERE-s, pasi shqyrtoi relacionin e përgatitur nga ana e Drejtorisë Juridike,

- duke konsideruar se:

Shoqëria “Operatori i Shpërndarjes së Energjisë Elektrike” (OSHEE sh.a.), njohur më parë si “CEZ Shpërndarje”, sh.a., është privatizuar me anë të ligjit nr. 10116, datë 23.4.2009, “Për miratimin e kontratës së shitjes së 76 për qind të aksioneve të Operatorit të Sistemit të Shpërndarjes (OSSH) sh.a. ndërmjet Ministrisë së Ekonomisë, Tregtisë dhe Energjetikës së Republikës së Shqipërisë dhe ÇEZ a.s.-së”;

- Me ligjin nr. 114/2014, datë 31.7.2014 është miratuar Marrëveshja e zgjidhjes me mirëkuptim ndërmjet Republikës së Shqipërisë dhe shoqërisë CEZ a.s.

- Në bazë të aneksit 2 të kësaj Marrëveshjeje, aksionet e shoqërisë OSHEE sh.a. (njohur më parë si “CEZ Shpërndarje” sh.a., të cilat janë në pronësi të shoqërisë CEZ a.s., do t'i kalojnë shtetit shqiptar, pasi ndërmjet të tjerave, ERE të nxjerrë një vendim që miraton transferimin e aksioneve nëpërmjet Marrëveshjes së Blerjes së Aksioneve,

VENDOSI:

1. Miratimin e transferimit të aksioneve të shoqërisë OSHEE sh.a. (njohur më parë si CEZ Shpërndarje sh.a.), nga shoqëria CEZ a.s. te Ministria e Zhvillimit Ekonomik, Tregtisë dhe Sipërmarrjes.

2. Ngarkohet Drejtoria Juridike dhe Mbrojtjes së Konsumatorit të njoftojë Ministrinë e Energjisë dhe Industrisë, Ministrinë e Zhvillimit Ekonomik, Tregtisë dhe Sipërmarrjes dhe shoqërinë OSHEE sh.a. për vendimin e Bordit të Komisionerëve të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

KRYETARI
Petrit Ahmeti